

通微咒曰

羅天毒獸備巨四門吞流割膽山醜萬羣張喉攫天猛衛高聲
毒龍奮爪金頭橫吞威兵巨萬受符接山六天不恂合玉成羣
妖魔波洋穢氣紛紛謠歌空洞禮帝障雲水鬼賈形當人生門
神王所告無幽不聞上攝六氣下檢河源五嶽四瀆善惡速分
萬萬千千來對我前五帝校錄有功者原凶魔千羣束形帝君
敢不從命所誅無蠲屠割剝腹斬首滅根北鑊瀆湯南陵火焚
金真錄氣流鈴捕魂妖爽無遺極盡形元身佩天書宣行正文
滌蕩九氣清明三元立舉天真上合自然莫有干試敢動上聞
引氣十二咽止

道藏輯要

雲笈七籤

三

井集三
X廿川

玉帝衛靈咒鬼上法

出消魔經

玉帝咒曰

九天有命上告玉清促召千真俱會帝庭太一下觀雙皇翼形
監察萬邪理氣攝生若有不祥干試神明清帝之道整飭神兵
七神素鍔天鋒右征揮劍前驅煥擲火鈴檄命甲騶武卒天丁
風火齊戰伐邪狡精上威六天下攝魔靈既威既攝萬凶滅形
神戈電掃姦妖無生仙皇秉節有命敢停拒節違令是誅汝形
各驚各慎保茲黃室九天告命萬神敬聽急急如律令

若夜恐怖夢想魔鬼試人干犯真氣欲病者急急念此咒心存至
道求請於帝乃向北叩齒三十六通閉氣密念前咒咒畢又叩

齒三十六通咽液十過於是百惡魔邪伏滅七神纏綿太一監攝萬靈衛真亦可日日誦卧寢念之以塞百邪也

治急病法

凡受三五法在存識三天真名三師真名有急災急病三大喚天名密呼三師名即災病皆消

上清微天真名防中

中禹餘天真名元

下大赤天真名德丘

右三天真名也

左無上真名森

道藏輯要

雲笈七籤

四

井集三

右玄老真名众

中央太上真名蠡

右三師名

反舌塞喉法

凡守一者身神常安若體中不寔當反舌塞喉嗽漏體泉滿口咽之訖又如前咽液無數覺寔乃止止而未寔重復為之須與之間不寔之痾即應廓散自然除也當時有效覺體中寬軟逍遙復常太極眾真太虛真人南嶽赤君妙行真人莫不修此以成聖真矣

金仙內法